

# INUIT ATAQATIGIIT INATSISARTUNI



Ulloq 06.10.22

Imm. 31 aamma 59. siull.

Hans Aronsen

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Nunap immikkoortuini Uummannami Upernavimmilu najugaqartunik piniarnermut nakkutilliisoqalernissaa sulissuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Jens Kristian Therkelsen, Siumut)

aamma

**Kommune Qeqertalimmi aallaaveqartussamik piniarnermut aalisarnermut nakkutilliisumik 2023 aallarnerfigalu atorfeqartitsilernissaaq siunertaralugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut Ilaasortaq, Kristian Jeremiassen, Inuit Ataqatigiit)

#### **Siullermik:**

Inatsisartunut Ilaasortaq, Kristian Jeremiassen, Inuit Ataqatigiit aamma Inatsisartunut ilaasortaq Jens Kristian Therkelsen, Siumut Nuannaarutingalugu qujassutigissavara sineriaassuatsinni isorartoqisumi nakkutilliinerup nukittorsarnissaanik siunnersuuteqarnissinnut.

Pinngortitamik uumasuinillu piujuaannartitsilluni aqutsineq tassaavoq, kinguaasatta **uatsituulli** pinngortitamik uumasuinillu atuisinnaanissaannik siunissami qulakkeerinninneq. Tamannalu ullumikkut tamakkuninnga aqutsinermi pitsaanerpaatut Inuit Ataqatigiinniik isigisarput. Tassanimi tamatta maani nunaqartugut akisussaaffigaarput erlerineqartariaqartoq.

#### **Kingumut nuannersunngorlugu qivialaarneq:**

Qanga siuligit piniarnerinnarmik inuuniuteqarallarmata pinngortitamik uumasuinik piniariaatsinillu nakkutiginninneq piniartorsuarnit sumiiffinni siuttuusunit, utoqqartanillu siuttoqarluni ingerlanneqartarsimavoq. Allaat piniarfinni ataasiakkaani piniartut amerlavallaannginnissaat qularnaarniarneqartarsimalluni.

Sassuma arnaanik oqaluttuani, piniakkanik pinngortitamilluunniit mianerinninginneq annertusingaangata piniartorsuit utoqqartallu peqqusinerisigut, angakkut sapiitsut ilaariartortuusarsimasut.

Illumut siulersuagut allassimasunik inatsiseqanngikkallarmalli, aqukkuminaattoqalersillugu oqaluttuat tamakku atorlugit pisussaaffinnik ersarissaasarsimasut nuannersutut, maligassiuerinertulli tamanna maani eqqaalaarpara.

#### **Sinerissap qanittuani aalisarnermik nunamilu piniarnermut aallaaniarnermullu nakkutilliineq:**

Sineriassuarmi 44 tusind kilometterit annertutigisumi, siamasissorsuarmik najungaqariuseqarpugut. Kangerluppasuarni amerlasuutigut sermimik iingartartunik qinngulinni, ukiorlu kaajallallugu piffissap

# INUIT ATAQATIGIIT INATSISARTUNI



ilarujussuani immakktut sikukktut silannakkullu ilungersunartumik navianaqisumilluni nakkutilliisunit suliaqartititsivigivarput.

Soorlumi, Upernaviup eqqaanniik Nassuttooq tikillugu, Ilulissani nunap immikkoortuini sullissivimmiik nakkutilliinikkut sullissineq artortuutit eqqarsaatingalugit ullumikkut annertuallaarpoq. Ilumut tamakku nakkutilliinikkut sullissinermi pinngortitap pissusaa eqqarsaatingalugu annertuallaarujussuarput.

Taamaattumik Nalakkersuisut siullermeerinninnermi akissutaanni, sinerissap qanittuani aalisarnermik nunamilu piniarnermik allaaniarnermillu nakkutilliinerit nukittorsarnerat 2022-mi aallartilluareersaq nuannaarutigaarput.

Avani Itap eqqaani, Qimusseriarsuarmi, kngerlupparsuarni aavartarfiusuni, nunap isuata eqqaani tunup sineriarujussuanilu, pinngortitamik uumasuinillu atuinerput, ullumikkut sulii annertusiartorpoq. Sinerissap qanitaani piniarikkut aalisarinnikkullu inuuussutissarsiorfingalugulu angallavigineruliartungarput pitsaasumik isumannaatsumillu nakkutilliivigineqartariaqartoq Inuit Ataqatigiit annertusaaqataaffigeqqissavarput.

Tamannami aamma inatsisartunit, ataatsimiititaliatigut Inuit Ataqatigiinniik annertuumik peqataaffigereerparput. Tassa ima paasillugu, suliaq naalakkersuinikkut suleqatigiissutigineqarluni ineriartortinneqalereersup pitsaap tungaanut ineriartornermi sukumiisumik qulaajaanummat nuannaarutigilluinnarparput.

Naalakkersuisut allannguutissatut siunnersuuttaat tamakkiisumik taperserlugu Aalisarnermut piniarnermut Nunalerinermilu Ataatsimiititaliamut ingerlateqqipparput.